

INFORMACIJA SAR TE DEL LAV

Avrikidņipen andro Senatos le Parlamentoskero la Čechikona republikakero paraščovine andro d'ives 2. oktobris 2020 le 14.00 orendar dži 22.00 ori the sombat 3. oktobris 2020 le 8.00 orendar dži 14.00 ori the (eventualno dujto kereka d'ivesende 9. the 10. oktobris 2020)

O voličis hin

- ✓ la Čechikona republikakero themutno,
- ✓ so najnasigeder 3. oktobriste 2020 dochudela 18 berš;
 - andro dujto kereka pal'is the o themutno la Čechikona republikakero, so najnasigeder 10. oktobriste 2020 dochudela 18 berš.

O hazdņipen predžal ča pre phuv la Čechikona republikakeri, kada andro 27 senatna avrikidņipnaskere obvodi, kaj o avrikidņipen andro Senatos hin avriakhardo. O voličis šaj del lav ča andre kada avrikidņipnaskero okrskos, kaj hino prihlašimen vaš o fikerdo ačhiben. Viņimka hine o voliča, so den lav pro voličeskero preukazis (dikh teleder).

O avrikidņipnaskere kartki

O avrikidņipnaskere kartki vaš o avrikidņipen andro Senatos hine demade pre sako kandidatos avrether (individualnones).

Pre sako avrikidņipnaskeri kartka hin le kandidatoskero čislos. Na kempel, kaj o avrikidņipnaskere kartki keren kompletno čiselnos šoros, te le varesave kandidatoskeri prihlaška na ačhi'la registrimen.

O avrikidņipen andro Senatos ačhel jekhetane le avrikidņipnaha andre le krajengere ačhad'ipena. O farbi le uradnone kopertkendar the le avrikidņipnaskere kartkendar vaš o individualna volbi hine aver. O avrikidņipnaskere kartki the e uradno kopertka vaš o avrikidņipen andre le krajengere ačhad'ipena hine šiva, o avrikidņipnaskere kartki the e uradno kopertka vaš o avrikidņipen andro Senatos hine šarga.

Andro avrikidņipnaskero kher pes den angle o informaciji pal kada, hoj varesavo kandidatos mukhel leskeri kandidatura abo pal kada, hoj o kandidatos pes lel pale. **Kana pes arakhel avri, sar o volbi dopejle, ta pes o lava dine vaš kajso kandidatos na ginen andre.**

Sar o hazdņipen predžal

O voličis mušinel andro avrikidņipnaskero kher presikhavel leskeri identita the leskero štatno themutņipen la Čechikona republikakero

- ✓ le platnone občanskone preukaziha,
- ✓ le platnone dromengere, diplomatickone abo služebnone pasoha la Čechikona republikakero abo le dromengere preukaziha.

Te o voličis na presikhavel leskeri identita the o štatno themutņiben (občanstvos) la Čechikona republikakero le kempel'utne dokladoha, na ela leske domukhlo te del lav.

O voličis resela la okrskovona avrikidņipnaskera komisijatar čuči uradno kopertka, so pre late hin e uradno pečatka. Te jov kada mangel, e komisija les tiž dela e sada le avrikidņipnaskere kartkicengeri.

Sako voličis del lav korkoro, ņiko aver na šaj del lav vaš leske.

La uradnona kopertkaha the le avrikidņipnaskere kartkicenca mušinel o voličis te džal andro than, kaj pes prikeren o kartki. Avreder o hazdņipen leske na ela domukhlo. O voličis thovel andre uradno kopertka jekh

avrikidñipnaskeri kartka vaš le kandidatoske vaš saveske jov pes rozgind'a te del lav. E avrikidñipnaskeri kartka pes ñisar na prikerel.

O voličis mušinel te bajinel olestar, kaj te thovel andre uradno kopertka ča jekh avrikidñipnaskeri kartka, avreder le voličengero lav nane platno. Kana pes o avrikidñipena keren jekhetane, kempel, kaj e avrikidñipnaskeri kartka pes te thovel andre uradno kopertka, so lake hin kada isto farba, avreder le voličeskero lav na mol (nane platno).

Nalače hine tiž kajse kartkici, so nane pro kempelutno formularis, o avrikidñipnaskere kartkici, so hine prečhingerde, the o kartkici, so nane thode andre uradno kopertka.

O voličis hazdel avka, hoj thovel e uradno kopertka la avrikidña avrikidñipnaskera kartkicaha angle e okrskovo avrikidñipnaskeri komisija andre avrikidñipnaskeri baksica.

Le voličiha, so naš'i vašoda, hoj les hin teštoskeri chiba, kidel avri e avrikidñi avrikidñipnaskeri kartka abo na birinel te genel abo lekhavel (pisinel), šaj ačhel andro than, kaj o avrikidñipnaskere kartkici pes prikeren, aver voličis, al'e na o členos la okrskovona avrikidñipnaskera komisijatar, ko prikerela e avrikidñipnaskeri kartkica vaš o voličis u la thovela andre kopertka, eventualnones tiž thovela e uradno kopertka andre avrikidñipnaskeri baksica.

Sar te del lav pro voličeskero preukazis

Le voličeskere preukaziha šaj pes del lav avrether le „kherutne“ avrikidñipnaskere okrskostar, al'e ča andro kada senatno avrikidñipnaskero obvodos, kaj o voličis hin prihlašimen kijo likerdo ačhiben. Kada na čalavel le voličes, so reš'la o voličeskero preukazis le zastupitelskone abo konzularnone uradostar la Čechikona republikakero vašoda, hoj o voličis hin zapisimen paš kada urados. Kajso voličis šaj del lav andro mi jel savo le 27 senatnone avrikidñipnaskere obvodendar, kaj predžal o avrikidñipen.

Te o voličis kidel avri pro voličeskero preukazis, mušinel te del o preukazis pale la volebnona komisija.

Sar te del lav andre hordind'i avrikidñipnaskeri baksica

Le bare dovodendar, perše te hino nasvalo, šaj o voličis mangel le gaveskero foroskero urados the d'ivesende, kana ačhel o avrikidñipen, leskera avrikidñipnaskera komisija, kaj šaj te hazdel avrether le avrikidñipnaskere kherestar andre hordind'i avrikidñipnaskeri baksica. E okrskovo avrikidñipnaskeri komisija šaj bičhavel leskere členen la hordind'a avrikidñipnaskera baksicaha ča andro lakero avrikidñipnaskero okrskos.

Dujto kereka le avrikidñipnastar andro Senatos

Te ñisavo le kandidatendar na chudela andre peršo kereka le avrikidñipnastar buter sar jepaš le lavendar, ačhela e kereka le avrikidñipnastar. Andre dujto kereka kandidinen ča duj nekhbachtaleder kandidata andal e peršo kereka.

E dujto kereka ačhela paraščovine andro d'ives 9. oktobris 2020 le 14.00 orendar dži 22.00 ori u sombatone andro d'ives 10. oktobris 2020 le 8.00 orendar dži 14.00 ori.

Te angle e dujto kereka le avrikidñipnastar o kandidatos mukhela leskeri kandidatura, našavela o čačipen kaj te ačhel avrikidlo, abo merela, džal andre dujto avrikidñipnaskeri kereka o kandidatos, so chudña andre peršo kereka le avrikidñipnastar o trito than; andre ajsa pripados šaj e dujto kereka ačhel paraščovine le 16. oktobriste 2020 le 14.00 orendar dži 22.00 ori u sombatone le 17. oktobriste 2020 le 8.00 orendar dži 14.00 ori.

O voličis imar na resela o avrikidñipnaskere kartki (jon hine šiva) vaš e dujto avrikidñipnaskeri kereka anglal, al'e resela len direktnones andro avrikidñipnaskero kher d'ivesende, kana ačhel e dujto kereka. Jov tiž adaj chudela e uradno kopertka (šivo farba).